

ՀՀ ՓԱՍՏԱԲԱՆՆԵՐԻ ՊԱԼԱՏԻ ՆԱԽԱԳԱՀԻ ՇՆՈՐՀԱՎՈՐԱԿԱՆ ՈՒՂԵՐՁԸ ԴԱՏԱԽԱՋՈՒԹՅԱՆ ԱՇԽԱՏՈՂԻ ՄԱՍՆԱԳԻՏԱԿԱՆ ՏՈՆԻ ԱՌԻԹՈՎ

01.07.2014 12:59



Այսօր Հայաստանում նշվում է դատախազության աշխատողի օրը: Մենք՝ իրավական համակարգի ներկայացուցիչներս, կոչված ենք պաշտպանելու մեր քաղաքացիների իրավունքները: Եվ այդ ճանապարհին մեծ է դատախազական համակարգի և դատախազի դերը:

Փաստաբաններս, ցանկանում ենք աշխատել արդարադատության մի համակարգում, որտեղ դատավարության կողմերը զինված են հարուստ գիտելիքներով և իրավաբանի պրոֆեսիոնալիզմով: Դա հանգեցնում է թե՛ դատախազական և թե՛ փաստաբանական ինստիտուտների զարգացմանը, ինչի արդյունքում շահելու է քաղաքացին: 96 տարվա հեռավորությունից անգամ հետահայացք նետելով ակնհայտ է՝ դատախազական ինստիտուտը զարգացման որոշ փուլեր անցել է, սակայն դեռևս կարող ենք արձանագրել բացթողումներ: Օրը խորհրդանշական է այն առումով, որ խոսվի նաև հենց այդ բացթողումների և դրանց լուծման ճանապարհների մասին: Փաստաբանները, որպես մրցակից, կարող են գործունե աջակցություն ցուցաբերել մեր գործընկերներին:

Համոզված եմ՝ դատախազությունում այսօր ունենք կուտակված այնպիսի ռեսուրսներ, մարդկային ներուժ, որը հնարավորություն է տալու արդյունավետ լուծել հասարակության առջև ծառայած խնդիրները: Շնորհավորում եմ մասնագիտական տոնի կապակցությամբ, մաղթում մասնագիտական առաջընթաց, արգասաբեր աշխատանք և հանրօգուտ գործունեություն:

Հայաստանի Հանրապետության փաստաբանների պալատի

նախագահ՝ Արա Զոհրաբյան